



BIBLIOTHECA
UNIV. JAGELL.
CRACOVENSIS

585167

Mag. St. Dr.



I Mag. St. Dr.

Bg. T. 10 x

39287
ASSERTIONES
THEOLOGICÆ,

AD

Mentem Doct: Angelici
Diui Thomæ Aquinatis.

Publico certamini Crac: propositæ.

A

P. F. ALPHONSO KAZNOWSKI
S. T. L. Ord. Prædic.

Anno Domini 1627. Mense April. Die



C R A C O V I A E,
Typis Matthiæ Andreouensis.

410-

A. V. W. X. XII. 47 K'



585 167 T
Mag 30 54
XVII

DUBLIN
328
PUB. JUG.

Illustri ac Magnifico Domino,
**D. IOANNI
CAROLO**
DE
SCZEKARZEWICE
TARŁO:

Hæredi in Ianowiec, Capitaneo
Zwolinensi; &c. &c. Dño ac Mæcenati
suo Colendiss.

Fr. ALPHONSVS KAZNOWSKI S. T. Le-
ctor Ord: Prad: Salutem æternamq; felicitatem
precatur.



ON iucundi magis, quam viles illustris ac
Magnifice Dñe. toti Grecia ludi illi Olympiaci
extirièrunt: quibus quasquisq; sibi artes domi, in-
tra priuatos parietes parasset, in lucem oculosq;
omnium proferret: ut nec studia hominum præ-
clara laterent, nec sua virtus premio careret.
eodem penè consilio atq; exēplo et mihi in
publico cōparendum fuit: ut mei qualescumq; labores, eritatem foris,

¶ honorem non tam meo quam religionis mee nomine aliquem habent. Ac ego quidem has theses Illustr: ac Magnifi: D. nominis tuo dicatas esse volui; non ut Oleastri coronam, que primum era Olympiorum, sed fauorem mihi meaq; huic opelle ab te viro maximo sapientissimoq; compararem; ratus nullum hic mihi honorem posse ampliorem haberi, quam à te benigne suscipi, tum propter auctoritatem antique tue Familiaria famam celebrem, heroicam, facta maiorum tuorum, quibus Rempub. Polonam illustrarunt; tum propter singulariem humanitatem tuam, et beneficia que in dies sacro Predicatorio Ordini Confers: certant enim de excellentia Illustr: Familiae Tuae, uauitas & liberalitas tua lita nunquam finienda, & cum Mavortia cohorte, contenait Mineruæ Chorus. Verum quia illustrium virorum encomia, tanquam res sacre cum veneratione potius spectare quam oratione celebrare debemus, libare solum preconiorum tuorum limen, non penetrare statui, venerater iam non Orator, adorator (pene dixerim) non adornator effectus. Harum igitur ceterarumque sublinium virtutum tuarum auxiliari dextera suffultus, in Illustrum tue maiestatis conspectum prodeo, & clarissimis Tuorum stemmatum radiis ornatos, hosc ingenii mei siue flores, siue fructus, expono: vi in hominum ora manusque prodituri, sin minus sapore, colore tamen arrideant, souebit illos sponte confido, que in omnes tam late diffunditur generosa animi tui humanitas, atque Magnificentia. Ergo cum tanta luce obtutum nequeam sustinere, eosdem gentilitate tue committens, abscedo. Vale perpetuo felix.

Estote perfecti sicut & Pater vester
cælestis perfectus est. *Matth: 5.*

CVM vnum quodque sit perfectum secundum
quod est in actu, necesse est Deum esse perfe-
ctissimum cum sit maximè in actu.

2. Est autem perfectissimus, nedum quia in ipso
sunt perfectiones omnium rerum, idque eminen-
tiori modo cum sit prima causa omniū rerum: sed
etiam, quia secundum quamlibet habet optimum
essendi modū, cum sit ipsum esse per se subsistens,
quod totam perfectionem essendi in se continet.

3. Ex hoc autem licet sequatur creature simi-
les esse Deo (nam necesse est quod in effectu sit si-
militudo formæ agentis) non tamen sequitur Deum
esse similem creature, in his enim quæ sunt eiusdem
ordinis recipitur mutua similitudo, non autem in
causa & causato, sumendo ipsa formaliter & per se,
ut docet Caietanus i. p. q. 4. in explicatione respon-
sionis D. Tho: ad 4tum.

4. Sunt verò creature similes Deo non secun-
dum eandem rationem specificam vel genericam.
quoniam Deus non est agens contentum in eadem
specie vel genere cum creatura, sed secundum ali-
quam analogiā, quoniam illa quæ sunt à Deo, af-
similantur ei in utrī primo & uniuersali principio to-
tius esse.

Confitemini Domino quoniam
bonus. *Psalm: 144.*

Quoniam ratio boni consistit in hoc quod sit appetibile, perconsequens bonum habet rationem finis. Vnumquodq; autē in tantum est appetibile, in quantum est perfectum, ac perconsequens in quantū est Ens: Hinc est quod bonum & ens sunt idem secundum rem, sed differunt secundum rationem tantum, id est secundum rationes formales nominibus Entis & boni significatas.

2. Ita tamen ut ens secundum rationem sit prius quam bonum, quoniam prius cadit in conceptione intellectus, comparando Entis rationē ad alias rationes rerum, accipiendo rationes rerum prout distinguuntur contra res ipsas, non autem comparando Entis rationem & ad rationes rerum, & ad res ipsas, sic enim Deitas est primum intelligibile, non enim Deitas potest esse ita ratio quin sit res ipsa, ita quod intelligibilitas prius inest Deo quam Enti immo in est Enti quia inest Deo.

3. Cum autem modo explicato ratio Entis sit prior quam ratio boni, mirum non debet esse, in aliquo Ente esse rationem Entis secundum rationem absq; ratione boni, vt in Mathematicis ad hoc enim quod aliquid habeat formaliter rationem entis, sufficit quod in se sit tale quod ei non repugnat esse

in rerum natura quomodo eumq; id cueniat, siue secundum suam abstractionem, siue non, ad hoc autem quod habeat formaliter rationem boni, ultra hoc exigitur quod ipsum sumatur in ordine ad esse vel finem in rerum natura, quod alienum est à Mathematicis, & propterea abstrahunt à boni ratione formaliter.

4. Hinc procedendo ad diuinam bonitatem dicimus, bonum esse, præcipue Deo conuenire. Nā est prima causa effectiva omnium, ac per consequens præcipue appetibile & bonum. quoniam sicutumquodq; in creatis appetit suam propriam perfectionem, & consequenter similitudinem sui efficientis, à fortiori seu præcipue ipsa causa est appetibilis, in cuius ratione scilicet appetibilitate, dictum est consistere rationem boni.

5. Cum autem audis Deum præcipue esse bonum, non intellige ipsum esse summum bonum in aliquo tantum genere vel ordine rerum, sed simpliciter, ac proinde per essentiam, non solum quia nō per aliquid extra essentiam suam, sed quia etiam non participatiue, quoniam ex ipso suo modo essendi omnem plenitudinem bonitatis naturaliter claudit.

6. A qua bonitate diuina omnia sunt bona extrinsece & causaliter, formaliter autem & intrinsece, non sunt bona nisi bonitatibus propriis.

Magnus est, & finem non habet, ex-
cessus & immensus. Baruch: 3.

Licet infinitum ex parte materiæ habeat rationē
imperfecti, est enim quasi materia non habens
formam per quam perficiatur, infinitum tamen se-
cundum quod se tenet ex parte formæ habet ratio-
nem perfecti, cum forma absolute in eo quod for-
ma non perficiatur per materiam, licet hoc habeat
in quantum est talis puta informatiua materiæ.

2. Quo fundamento posito colligitur recte Deū
esse infinitum infinitate perfectionem, cum
suum esse non sit receptum in alio, sed ipse sit suum
esse subsistens.

3. Vnde etiam est infinitus simpliciter secundum
suam essentiam, scilicet neq; per se neq; reduciue
ad ullius speciei aut generis limites coarctatus.

4. Quod nulli creaturæ competit. Nam licet
quædam creaturæ non sint receptæ in materia, sed
perse subsistentes, ac per consequens sint infinitæ le-
cundum suam essentiam secundum quid, nihilo-
minus cū omnis talis creatura sic subsistens habeat
esse, & non est suū esse; ac per consequens esse suū
sit receptum & contractum ad determinatam na-
turam, non potest esse infinita simpliciter secun-
dum suam essentiam.

5. Et quoniam ut dicit D Th. i. p. q. 7. a. 3. aliud

et esse infinitum secundum suam essentiam, & aliud est esse infinitum secundum magnitudinem, (nam dato quod esset aliquod corpus infinitum secundum magnitudinem non tamen esset infinitum secundum essentiam) dicimus cum D. Th. neq; aliquod creatum posse esse infinitum secundum magnitudinem hoc enim esset vel corpus sumptum naturaliter, vel Mathematice, & de viroque non verificatur.

6. Non de primo, tum quia corpus naturale habendo formam determinatam, necesse esset ut haberet accidentia determinata, quorum vnum est quantitas, tum quia non posset moueri motu recto vel circulari, & sic non haberet aliquem motum naturalem.

7. Non de secundo. Quia tale corpus oportet imaginari sub aliqua forma cuiusmodi est figura, quæ termino vel terminis comprehenditur, quoniam nihil est actu nisi per suam formam, & sic non erit infinitum.

8. Sicut autem non est aliquid in rebus creatis infinitum secundum magnitudinem, ita neq; potest in illis infinitum esse actu secundum multitudinem, tam per se quam per accidēs, tum quia omnis multitudo actu existēs est in aliqua specie multitudinis, quæ est determinata per vnum; tum quia quilibet multitudo in rerum natura existens est creata ac per consequens sub aliqua certa intentione creantis

B

comprehenditur.

9. Cūm hoc tamen stat infinitum in potentia secundum multitudinem dari in rebus, quia augmentū multitudinis sequitur ad diuisionem cōtinui, que procedit in infinitum: sicut autem infinitum inuenitur in potentia in diuisione continui: ita etiā inuenitur in potentia in additione multitudinis.

Quo ibo à spiritu tuo, & quo à facie fugiam, si ascendero in cœlum, tu illic es, si descendero ad infernum, ades. &c. Psalm: 138.

Licet infinitas & immensitas diuinæ essentiaz sit prima radix propter quam Deo congruit esse intime secundum suam substantiam in omnibus locis & rebus à Deo factis vel fiendis. quoniam ex hac conuenit ipsi vt virtutē habeat infinitam, creandi & conseruandi totam creaturā vniuersitatē.

2. Similiter licet relatio præsentiaz inter Deum & creaturam consequens operationem, sit id per quod denominetur Deus formaliter formalitate relationis præsens.

3. Ratio tamen ipsa formalis taliter existendi & denominandi formaliter formalitate operationis fundantis talem relationem præsentiaz est ipsa operatio, non quomodocunq; sed vt est Dei immedia-

tē agentis immediatione, nedūm Virtutis sed etiam
suppositi.

4. Deus enim aetagens immediatum immediatione suppositi in omnibus rebus, in quibusdam quidem quoad omnia, in quibusdam autem quoad aliqua tantum.

5. Quoniam totam substantiam spiritualis creaturæ per se ipsum nulla alia media causa produxit, similiter & creaturas corporeas primæs, in aliorum autem productione vtitur secundarum causarum ministerio, in quibus tamē est materia prima, quæ a solo Deo est producta, & ab eodem absq; alterius agentis immediate immediatione suppositi cōcursu conseruatur, ac per consequens solus Deus potest omnia facere quæ exigitur ut aliquid sit, quid sit illud.

6. Ex quo habet esse, quod sit proprius seu per se primo effectus Dei.

7. Dicitur autem Esse, esse intimius & profundius omnibus, non quia intimius omnibus alijs prædicatum constituat rei: sed quia nihil est tam intimum in re, quod non actuatur per esse, quod nulli alteri in re existenti competit.

8. Præter hunc essendi modum scilicet secundū substantiam, Deus est etiam in omnibus per potentiam, in quātum omnia eius potestati & virtuti subduuntur, & per præsentiam ratione scientiæ speculatiuæ, quæ est visionis in quantum omnia nuda sunt

& aperta oculis eius.

9. Deus igitur est ubique. Quod primò & per se est proprium Deo, primò quidem, pro quanto secundum se totum est ubique: per se vero, quoniam est tale quid ut facta quacunq; suppositione sequatur illum esse ubique.

Non est Deus quasi homo vt metatur, nec vt filius hominis vt mutetur. *Num: 23.*

Deus itaque est immutabilis, estque ipsius proprium omnino immutabilem esse, ita quod nulli creaturæ id competit, quoniam omnes creature communiter sunt mutabiles per potentiam, quæ in altero est scilicet secundum potentiam diuinam, in cuius potestate est esse, & non esse eorum.

2. Præterquam quod etiam sunt creature mutabiles per potentiam in ipsis existentem, & quidem secundum esse substantiale, & esse accidentale, vt omnia corpora corruptibilia, secundum autem esse locale, tantum vt corpora cælestia, secundum electionem tandem de bono in malum, & secundum applicationem virtutis ad quædam loca, quæ prius non attingebant, vt substanzæ incorporeæ.

Tu autem Domine in æternum
permanes. *Psal.* 105.

DEo agitur cùm sit maximè & omnino immu-
tabilis maximè, verè propriè, cōpetit esse æter-
num, alijs autem participatiū, secundū quod im-
mutabilitas participatur, vnde non solum est æter-
nus, sed etiam est sua æternitas.

2. Cuius ratio consistit in apprehensione id est in
ratione uniformitatis eius, quod est omnino extra
motum, ita quod æternitas cùm sit velut quædam
species durationis, habet pro qua si genere durati-
onem, pro ratione autem differentiali & constitu-
tiua, uniformitatem eius quod est omnino extra mo-
tum, nihil enim datur vniuersum, æternitati & alijs
durationibus, aeo scilicet & temporī.

3. Vnde rectè ipsius definitio traditur cùm dici-
tur quod sit interminabilis vitæ, tota simul & per-
fecta possessio. Ratio enim uniformitatis exprimi-
tur, in hoc quod sit perfecta possessio, quia illa
uniformitas firmiter & quietè possidetur ab eo,
quod est omnino extra motū; id autem quod est o-
mnino extra motum exprimitur in his verbis sci-
licet, interminabilis vitæ tota simul.

4. Ex his patet differentia æternitatis ab ævo &
tempore, æternitas enim careret principio & fine
ævum autem habet principium & finem, tempus

tandem habet principium & finem, hoc est per accidens, & non per se, quia scilicet æuum non semper fuit, similiter quia tempus non semper fuit, nec semper futurum est.

5. Differentia igitur hæc est. Nam per æternitatem mensuratur id quod est omnino inuariabile, per tempus mensuratur id quod est omnino variabile. per æuum tandem mensuratur id quod est inuariabile secundum substantiam, variabile tamen secundum operationem.

6. Hinc patet æuum esse totum simul, & non habere successionem, quoniam mensuræ extensa oportet respondere mensuratum extensem, quale nō est substantia & esse Angelii.

7. Sicut autē tempus est vnum simpliciter quia primum mensuratum, quod est primus motus est vnum tantum, comparatur enim ad ipsum non solū ut mensura ad mensuratum, sed etiam ut accidens ad substantiam: similiter æuum est vnum simpliciter, quia mensuratum quod est primum æuitem, est vnum tantum.

8. Dum autem dicitur substantias spirituales mensurari æuo, intellige eodem mensurari, naturales operationes earundem quæ sunt intelligere & amare respectu sui, quoniamque sunt immutabiles sicut substantiae Angelorum.

9. Non autem operationes liberas & immanentes, tales enim mensurantur tempore discreto An-

8

gelico quod est duratio simplicissimæ operationis
primi æuterni, quoniam defectibiles naturaliter sunt,
& sunt totæ simul & altioris ordinis quam motus
cælorum.

10. Quid verò dicendum est de visione beatifica
creaturæ certum est ipsam neutra duratione
prædictarum mensurari, sed mēsurari mensura quæ
dicitur æternitas participata, visio enim beatifica est
quid immutabile ordinis Diuini seu supernaturalis
& non naturalis.

Audi Israel, Dominus Deus no-
ster, Deus vñus est. *Deu. 6.*

Hoc ipsum quod sacra scriptura fatetur verum
esse ipsa ratione probatur, sed nedum est vñus,
sed etiam est maximè vñus, quia est maximè indiui-
sus in plura esse.

2. Hinc patet quod licet vnum transcendentale
secundum sui integrum rationem ut dicit ens indi-
uisum non sit aliquid pure positivum aut pure ne-
gatiuum, sed compositum ex positivo & negativo:
formaliter tamen & præcisè sumptum siue ut con-
stat ratione superaddita ad naturā entis, non est ali-
 aliqua res aut realitas positiva.

3. Ratio huius hæc est. Nam cum termini tran-
scendentales ita se habent ut concreta dici possint
de abstractis, si vnitas esset aliqua res superaddita
Enti, etiam hæc vnitas esset vna per aliquam rem su-

per additam sue naturae, & haec res sic cum similiuer,
& sic fieret processus in infinitum.

4. Vnū igitur est passio realis Entis non realitate propria distincta à realitate Entis, sed realitate sui quasi subiecti.

5. Vnde secundum quod est passio Entis, distinguitur ab ipso non sicut praescindens ab ipso, sed sicut includens ipsum, & aliquid superaddens scilicet negationem diuisionis.

6. Hæc autem negatio diuisionis clauditur in unitate creatæ non solù ex conditione intellectus nostri quia ante unitatem intelligit diuisionem ut habet D. Th. de potentia; quæst. 9. art. 7. sed etiam ex vi ipsiusmet unitatis quia est opposita diuisioni, in uno autem opposito clauditur negatio alterius.

7. In unitate autem increata qua dicitur Deus benedictus unus clauditur negatio diuisionis non ex unitate, & natura ipsiusmet unitatis cum nullâ habeat oppositionem cum diuisione, sicut nec bonitas Diuina cum malo, sed solù ex conditione intellectus nostri, ac proinde, ratio unitatis diuine secundum se concepit, est ratio positiva, licet sit ratio negativa propter concipitur a nobis, hoc enim arguit imperfectionem intellectus nostri, a qualongè remotus Deus benedictus cognoscit se unum non per aliquam negationem sed per simplicissimam affirmationem nulli negationi oppositam. Vnde ipsi honor & gloria in secula seculorum, Amen.



